

# সুখময় মুসলিম জীবন

আব্দুল্লাহ আল কাফী

প্রকাশনায়

পথিক প্রকাশন

[পথ পিপাসুদের পাথেয়]

সুখময় মুসলিম জীবন  
আব্দুল্লাহ আল কাফী

প্রকাশক : মো. ইসমাইল হোসেন

গ্রন্থস্বত্ব : প্রকাশক কর্তৃক সংরক্ষিত

প্রকাশনায়

পথিক প্রকাশন

১১ ইসলামি টাওয়ার, ৩য় তলা, দোকান নং- ৩৯, বাংলাবাজার, ঢাকা-১১০০।

মোবাইল : ০১৯৭৩-১৭৫৭১৭, ০১৮৫১-৩১৫৩৯০

www.facebook.com/pothikprokashon

Email: pothikshop@gmail.com

প্রথম প্রকাশ : জুন ২০২২ ইং

প্রচ্ছদ : সিদ্দিক মামুন

বইমেলা পরিবেশক : প্রিতম প্রকাশ

অনলাইন পরিবেশক

rokomari.com

wafilife.com

pothikshop.com

islamicboighor.com

islamiboi.net

al furqanshop.com

raiyaanshop.com

মূল্য : ৫৮০/-

## মুখবন্ধ

সকল প্রশংসা একমাত্র আল্লাহ সুবহানাছ ওয়া তায়ালা জন্ম, যিনি আমাদের দ্বীন ইসলামকে পরিপূর্ণ করে দিয়ে অন্যান্য সবকিছুকে অন্ধকার ঘোষণা দিয়েছেন। দুর্কুদ ও সালাম বর্ষিত হোক আমাদের প্রাণপ্রিয় নবিজি মুহাম্মদ সাল্লাল্লাহু আলাইহি ওয়াসাল্লাম-এর উপর, যিনি সমাজ থেকে সকল জাহেলি আঁধার দূর করে মানবজাতিকে প্রদান করেছেন শাস্ত সূন্দর সুখময় জীবনব্যবস্থা। আরও রহমত ও শান্তি বর্ষিত হোক তার পরিবার-পরিজন ও সাহাবাদের উপর, যাদের ঐকান্তিক ত্যাগ, প্রচেষ্টা ও কুরবানে ইসলাম দিক-দিগন্তে বিস্তৃত হয়েছে।

ইসলাম শান্তির ধর্ম। ইসলাম সর্বজনীন চির শান্তিময় জীবনব্যবস্থা। ইসলামই একমাত্র স্রষ্টার পক্ষ থেকে গোটা মানবজাতির জন্য সুখ ও সমৃদ্ধির মাপকাঠি। যুগ যুগ ধরে জাহিলিয়াতের নিকষকালো অন্ধকারে নিমজ্জমান আরবের মাঝে মুক্তি ও শান্তির বার্তা নিয়ে সত্য ও মিথ্যার কষ্টিপাথর হয়ে আবির্ভূত হয়েছিলেন স্রষ্টার সর্বশেষ মেসেঞ্জার মুহাম্মাদুর রাসুলুল্লাহ সাল্লাল্লাহু আলাইহি ওয়াসাল্লাম। তিনি এসে ছড়িয়ে দিলেন তাওহিদ ও ঈমানিয়াতের ফল্গুধারা। দীক্ষা দিলেন শান্তি ও মুক্তির স্রোতধারা। দলে দলে আরবরা তার উপর ইমান আনলো। তার আনীত সমাজ ও জীবনব্যবস্থাকে সাদরে গ্রহণ করে ঐশী প্রেমের ডাকে নিজেদের বিলীন করে দিলো। তৈরি হলো সাম্য ও মানবিকতার সংবিধান। ন্যায় ও ইনসাফের আদালত। প্রতিষ্ঠিত হলো শান্তি-সুখের চির শাস্ত জীবনব্যবস্থা।

কালের ঘূর্ণাবতে হারিয়ে গেছে ইসলামি খিলাফতের সেই স্বর্ণালী ভোর, রূপোলি সন্ধ্যা। নির্লিপ্ত হয়েছে ইতিহাসের আস্তাকুঁড়ে। কিন্তু দ্বীনের ম্যানুয়াল আল-কুরআন তো হারিয়ে যায়নি। কি করেই বা হরাবে? এর মুহাফিজ তো স্বয়ং আল্লাহ সুবহানাছ ওয়া তায়ালা। তিনি নিজ হাতে এর সংরক্ষণের দায়িত্ব নিয়েছেন। শতাব্দীর পর শতাব্দী পেরিয়ে এর প্রেরণাতেই মুসলিম উম্মাহর বারংবার উত্থান ঘটেছে। মৃতপ্রায় ইমান তরুতাজা হয়েছে। কিন্তু নফসের তাঁবেদারি আর শয়তানের অনবরত প্ররোচনায় প্ররোচিত হয়ে মুসলিম উম্মাহ খুইয়ে ফেলেছে তার আত্মপরিচয়। স্রষ্টার শাস্ত আইন থেকে বিচ্যুত হয়ে অশান্তি, অরাজকতা আর বে-ইনসাফ অদ্য নিমজ্জমান সমাজের সার্বক্ষণিক চিত্রপট। তবে একথা দিবালোকের ন্যায় চির সুস্পষ্ট যে, সর্বকালেই এই মহাগ্রন্থ আল-কুরআনের অনুশাসন যাঁরা মেনে নিয়েছে, নিজেদের জীবন ও আত্মাকে এর স্বচ্ছ আলোয় পরিশুদ্ধ করেছে,

## সুখময় মুসলিম জীবন

তারাই সুখ ও শান্তিময় স্বচ্ছ জীবন পেয়েছে। ঐশী প্রেমের আত্ম প্রশান্তিতে জীবনের সুদীর্ঘ পথ পাড়ি দিয়েছে। বক্ষমান গ্রন্থটি সেই সুখময় মুসলিম জীবনকে ঘিরেই।

গ্রন্থটি প্রতিটি মুসলিমের জীবনে চলার পথের একটি সংক্ষিপ্ত গাইড হতে পারে। যা তার জীবনের পরতে পরতে যথোপযুক্ত নির্দেশনা প্রদান করবে। সংক্ষিপ্ত বর্ণনামূলকভাবে বিপুল মর্মের ভান্ডার সমৃদ্ধ প্রায় পূর্ণাঙ্গ মুসলিম জীবনের নির্দেশিকা বহন করছে গ্রন্থটি। আল্লাহ সুবহানাছ ওয়া তায়ালা এই প্রয়াসটুকুন তার দ্বীনের পথে অসামান্য খিদমত হিসেবে কবুল করে নি। আমিন।

হে দয়াময়! প্রতিটি কর্মে আপনার কাছে একনিষ্ঠতা কামনা করছি। সামান্য এই খিদমতটুকু আপনি কবুল করে নি। কিয়ামতের দিন আমাদের তাদের দলভুক্ত করুন যারা আপনার অশেষ অনুগ্রহপ্রাপ্ত। নবিগণ, সিদ্দিকগণ, শহিদগণ এবং সংকর্মশীলগণ।

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

হে রাব্বুল আলামিন! আমাদেরকে দুনিয়া ও আখিরাতে কল্যাণ দান করুন এবং জাহান্নামের আযাব থেকে রক্ষা করুন। (সূরা বাকারা : ২০১)

পরিশেষে বলব—এটি যেহেতু ‘জালিকাল কিতাব’ নয়, তাই ‘লা রইবা ফিহি’ বলার সাধ্য আমার নেই। মানুষ মাত্রই ভুল করে। গ্রন্থটিতে যা কিছু ভালো ও কল্যাণকর তা মহান আল্লাহ সুবহানাছ ওয়া তায়ালা পক্ষ থেকে। যা কিছু ভুল-ত্রুটি ও অকল্যাণকর সব আমি গুনাহগারের পক্ষ থেকে। গ্রন্থটির পাঠকবৃন্দের কোনো ত্রুটি দৃষ্টিগোচর হলে অবশ্যই শালীনভাবে অবহিত করার অনুরোধ। আল্লাহ সুবহানাছ ওয়া তায়ালা এই প্রয়াসটুকু আমাদের আমলে জারিয়া হিসেবে কবুল করে নি। আমিন।

আব্দুল্লাহ আল কাফী

১৩-১২-২০২১ খ্রিস্টাব্দ

kafii6218@gmail.com

## দুআ ও অভিমত

الحمد لله رب العالمين والعاقبة للمتقين والاستعانة بالصبر والصلاة عند  
المصيبة صفة من صفات المؤمنين والصلاة والسلام على اشرف الانبياء  
وخاتم المرسلين وعلى اله الطاهرين والطيبين وعلى السابقين الاوائلين من  
الانصار والمهاجرين وعلى الذين اتبعوهم باحسان الى يوم الدين.

সকল প্রশংসা আল্লাহ রাব্বুল আলামিনের জন্য। পরলৌকিক কল্যাণ মুত্তাকিদের জন্য। আল্লাহ তায়ালা মানুষ সৃষ্টি করেছেন। তাদের দুনিয়া ও পরকালীন কল্যাণের পথ দেখিয়েছেন। যুগে যুগে নবি ও রাসূলগণকে প্রেরণ করেছেন। তারা পার্থিব সুখময় জীবন যাপনের পদ্ধতি এবং পরকালীন মুক্তির সকল উপায় হাতে-কলমে শিক্ষা দিয়েছেন। সেই শিক্ষা যারা গ্রহণ করেছেন তারা প্রকৃত সুখ-শান্তি অনুধাবন করেছেন। আত্মার প্রশান্তি লাভে ধন্য হয়েছেন। ছড়িয়ে দিয়েছেন তারা গোটা দুনিয়ায় শান্তির আবহাওয়া। পৌঁছে দিয়েছেন প্রতিটি পরিবারে সুখময় মুসলিম জীবনের বারিধারা।

আমি মনে করি—প্রত্যেক মুসলমানের উচিত এমন জীবন যাপন করা। প্রকৃত শান্তি লাভ করা। আর এ বিষয়টি উঠে এসেছে ‘সুখময় মুসলিম জীবন’ নামক গ্রন্থটিতে। নবিন লেখক ‘আব্দুল্লাহ আল কাফী’ গ্রন্থটি লিখেছেন। গ্রন্থটির বচনভঙ্গি খুবই সহজ, সুন্দর এবং প্রাঞ্জল। কুরআন ও হাদিসের উদ্ধৃতিতে ভরপুর। সাহাবি-জীবনের হৃদয়কাড়া ঘটনাবলীতে সাজানো। আমি বিশ্বাস করি—যে ব্যক্তি গ্রন্থটি পাঠ করবে তার ভেতর সুখময় জীবন যাপনের প্রেরণা জন্ম নেবে।

আমি দুআ করি—আল্লাহ যেন লেখকের লেখনীর ধারা অব্যাহত রাখেন। তাঁর হাতকে আরও শক্তিশালী করেন। সে সাথে লেখক-পাঠক ও প্রকাশনার কাজে নিয়োজিত সকলকে কল্যাণ দান করেন। আমিন।

মুফতি এরশাদ উল্লাহ ইয়ামানী

৩১-০৮-২০২১ খ্রিস্টাব্দ।

পড়ো তোমার রবের নামে .....	১৪৬
তাঁর কথার চেয়ে উত্তম কার কথা হতে পারে? .....	১৫৪
তবে তোমার পেরেশানি দূর হবে .....	১৫৯
পূর্ণ করো প্রতিশ্রুতি .....	১৬২
সালাত : স্রষ্টার প্রিয় হবার এক টুকরো মাধ্যম .....	১৬৪
রাইয়্যান : শুধু রোজাদারদের জন্য .....	১৭১
যাকাত : সৌহার্দ্যের সেতুবন্ধন .....	১৭৮
হবো কাবার পথের পথিক .....	১৮২
আজ বাড়িয়ে দাও সবার প্রতি মিত্রতার হাত .....	১৮৯
ওরে হত্যা নয় আজ সত্যগ্রহ শক্তির উদ্বোধন .....	১৯৯
মিসওয়াক ফরজ হত, যদি না কষ্ট হত .....	২০৫
শ্রেষ্ঠ অভিবাদন .....	২১৩
মিথ্যার শাস্তি .....	২১৯
যা ইমানকেও ভঙ্গ করে দেয় .....	২২৪
কারও সাথে কখনও করবো না প্রতারণা .....	২২৭
করবো না প্রসারিত লোলুপ দৃষ্টি .....	২২৯
তোমরা ব্যভিচারের কাছেও য়েয়ো না .....	২৩২
জালিম তুমি সাবধান! .....	২৩৮
বধির, বোবা ও অন্ধ .....	২৪৩
সুদ : জঘন্যতম এক অপরাধ .....	২৪৮
আক্ষেপ নেই অপূর্ণতায় .....	২৫২
সময়ের মূল্যায়ন .....	২৫৮
হবো জান্নাতের সবুজ পাখি .....	২৬৭
ভ্রমণ, ভাবনা ও সৃষ্টি রহস্য .....	২৭৬
আত্মসমালোচনা .....	২৮১
সৎ সঙ্গে স্বর্গবাস .....	২৮৬
অতএব প্রতিযোগিতা হোক পূণ্যময় কর্মে .....	২৮৮
চলো যুদ্ধ করি নফস এবং শয়তানের বিরুদ্ধে .....	২৯২

## ইমানের পথ

ইমান একটি নুর। এই নুরের প্রদীপ যার অন্তরে আলোকিত হয়েছে পৃথিবীতে সকল দুঃখ, কষ্ট, দুর্দশা, দুশ্চিন্তা ও পেরেশানির মধ্যেও সে সুখী থাকতে পেরেছে। কারণ তার হৃদয়ে চূড়ান্ত আশ্রয়স্থল মহান আল্লাহ সুবহানাছ ওয়া তায়ালার ভালোবাসা রয়েছে। আর আল্লাহ সুবহানাছ ওয়া তায়ালা কাউকে কখনও সাধ্যাতিত মুসিবত চাপিয়ে দেন না।

ইমানের আলোয় সে ভরসা খুঁজে পায়। আল্লাহ সুবহানাছ ওয়া তায়ালার প্রতিজ্ঞা হলো, যারা ইমান আনার পর সৎকর্ম করবে তিনি তাদেরকে সুন্দর একটি পবিত্র জীবন দান করবেন।

‘আর যে আমার স্মরণ থেকে মুখ ফিরিয়ে নিবে, তার জীবন হবে সংকুচিত।’<sup>১</sup>

‘আমি তাদের মনোভাবের তেমনি পরিবর্তন করে দিব, যেমনি তারা এর প্রতি প্রথমবার ইমান আনে নি এবং আমি তাদেরকে তাদের অবাধ্যতায় উদ্ধাস্তের মতো ঘুরে বেড়াতে দিব।’<sup>২</sup>

‘যে মুমিন নর-নারী নেক আমল করবে, আমি অবশ্যই তাদের পবিত্র জীবন দান করবো এবং তাদেরকে তাদের কর্মের শ্রেষ্ঠ পুরস্কার দান করবো।’<sup>৩</sup>

‘এই কিতাবের মধ্যে কোনো সংশয় নেই; তা মুত্তাকিদের জন্য পথপ্রদর্শকস্বরূপ; যারা অদৃশ্যের উপর ইমান আনে, সালাত কায়েম করে এবং আমি তাদেরকে যে রিযিক দিয়েছি তা থেকে খরচ করে এবং যারা তাদের উপর যা অবতীর্ণ করা হয়েছে এবং তাদের পূর্ববর্তীদের উপর যা অবতীর্ণ করা হয়েছে তার উপর ইমান আনে এবং আখিরাতের ওপর বিশ্বাস স্থাপন করে; তারা তাদের রবের নির্দেশিত পথে রয়েছে এবং তাই সফলকাম।’<sup>৪</sup>

<sup>১</sup> সূরা তোয়াহা : ১২৪।

<sup>২</sup> সূরা আনআম : ১১০।

<sup>৩</sup> সূরা নাহল : ৯৭।

<sup>৪</sup> সূরা বাকারা : ০২-০৫।

## নশ্রতা মুমিনের বৈশিষ্ট্য

নশ্রতা একটি মহৎ গুণ। নশ্রতায় আল্লাহ সুবহানাছ ওয়া তায়ালা এমন কিছু দান করেন, যা কঠোরতায় পাওয়া যায় না। নশ্র স্বভাবের লোকদের সকলেই ভালোবাসে। পছন্দ করে। মানুষের দৃষ্টি তাদের দিকে আকৃষ্ট হয়। হৃদয় তাদের দিকে ধাবিত হয়। কারণ, তাদের নশ্রতা, শিষ্টতা ও শাস্ত স্বভাব কথাবার্তা, লেনদেন ও আচার-আচরণ সবকিছুতেই তাদেরকে প্রিয় বানিয়ে দেয়। কোমল হৃদয় সাধারণ মানুষের আস্থা ও বিশ্বাসের কেন্দ্রবিন্দু।

এ সম্পর্কে বর্ণিত হয়েছে—

‘নশ্রভাবে পৃথিবীতে চলাফেরা করা আল্লাহর বান্দাদের অন্যতম গুণ।’<sup>১</sup>

‘ভালো এবং মন্দ সমান হতে পারে না। অতএব মন্দকে উত্তম দ্বারা প্রতিহত কর। ফলে তোমার সঙ্গে যার শত্রুতা রয়েছে, অচিরেই সে অন্তরঙ্গ বন্ধুর মতো হয়ে যাবে।’<sup>২</sup>

‘যারা নিজেদের রাগ সংবরণ করে এবং মানুষের প্রতি ক্ষমা প্রদর্শন করে (তারা এ পৃথিবীতে সৌভাগ্যের মহা নেয়ামত লাভ করবে)।’<sup>৩</sup>

‘যার জিহ্বা ও হাত থেকে মুসলিমগণ নিরাপদ থাকে সে ব্যক্তিই প্রকৃত মুসলিম। আর যাকে মানুষ তাদের জান ও মালের জন্য নিরাপদ মনে করে সে-ই প্রকৃত মুমিন।’<sup>৪</sup>

‘আল্লাহ তায়ালা এমন ব্যক্তির উপর রহমত বর্ষণ করেন, যে নশ্রতার সাথে ক্রয়-বিক্রয় করে এবং পাওনা ফিরিয়ে দেয়।’<sup>৫</sup>

<sup>১</sup> সুরা ফুরকান : ৬৩।

<sup>২</sup> সুরা হা-মীম সাজদা : ৩৪।

<sup>৩</sup> সুরা আল-ইমরান : ১৩৪।

<sup>৪</sup> সিলসিলা সহিহা : ৫৪৯; সুনানু তিরমিযি : ২৬২৭।

<sup>৫</sup> সহিহ বুখারি : ২০৭৬।



‘আল্লাহ তায়ালা তার প্রতি রহমতের দৃষ্টিতে দেখবেন না, যে অহংকারের সাথে তার পোশাক টেনে চলে।’<sup>১২</sup>

‘আল্লাহ তায়ালা সকল বিষয়ে নম্রতা পছন্দ করেন।’<sup>১৩</sup>

‘হে আয়িশা! তুমি নম্রতা অবলম্বন কর আর কঠোরতা বর্জন কর।’<sup>১৪</sup>

‘যে নম্রতা থেকে বঞ্চিত হবে, সে যাবতীয় কল্যাণ থেকে বঞ্চিত হবে।’<sup>১৫</sup>

‘হে আয়িশা! আল্লাহ তায়ালা নম্র ব্যবহারকারী। তিনি নম্রতা পছন্দ করেন। তিনি নম্রতার দরুন এমন কিছু দান করেন, যা কঠোরতার দরুন দান করেন না এবং অন্য কিছুর দরুনও দান করেন না।’<sup>১৬</sup>

আমিরুল মুমিনিন উমর রাদিয়াল্লাহু আনহু তখন কিসরা ও কায়সার বিজেতা। প্রায় অর্ধ পৃথিবীর খলিফা। একদিন তিনি খুবই ক্ষুধার্ত। ঘরে খাদ্য, পানীয় কিছুই নেই। বাইতুল মালের একটি পাত্রে কিছু মধু সংগ্রহে আছে। তিনি মিস্বারে চলে গেলেন। বললেন, আল্লাহর কসম! আপনাদের সকলের অনুমতি হলে তবেই আমি তা গ্রহণ করবো। অন্যথায় তা আমার জন্য হারাম।

অর্ধ পৃথিবীর বাদশাহ উমরের যুহুদ, তাকওয়া ও নম্রতা কত উচ্চ ও গভীর ছিলো। যদিও কাফির গোষ্ঠীর মোকাবিলায় তিনি বজ্র কঠোর ছিলেন। কিন্তু আত্মিক ও সামাজিক অনুশাসনে ছিলেন আল্লাহ সুবহানাছ ওয়া তায়ালা তার ভাষায় ‘রুহামাউ বাইনাছম’। তিনি একাধিক তালিয়ুক্ত জামা পরিধান করতেন। ধনী-গরীব, ছোট-বড় সকলেই তার দরবারে হাজির হতো ও নালিশ করতে পারতো।

একদিন এক ব্যক্তি নবিজি সাল্লাল্লাহু আলাইহি ওয়াসাল্লাম-এর দরবারে হাজির হলে তার মধ্যে ভীতির সঞ্চার হলো। রাসূল সাল্লাল্লাহু আলাইহি ওয়াসাল্লাম-এর সামনে দাঁড়িয়ে কথা বলার সাহস হারিয়ে ফেললো লোকটি। তার কম্পনরত অবস্থা দেখে নবিজি সাল্লাল্লাহু আলাইহি ওয়াসাল্লাম বলে উঠলেন—‘নিজেকে স্থির কর। স্বাভাবিক হও। আমি কোনো অত্যাচারী কিংবা জোরদখলকারী নই, কেবল একজন মায়ের সন্তান। মক্কা নগরীতে শুষ্ক গোশত ভক্ষণকারী একজন মানুষ মাত্র।’

<sup>১২</sup> সহিহ বুখারি : ৫৭৮৩; সহিহ মুসলিম : ২০৮৫; মুসনাদু আহমদ : ৫৩৭৭।

<sup>১৩</sup> সহিহ বুখারি : ৬৩৯৫।

<sup>১৪</sup> সহিহ বুখারি : ৬৪০১।

<sup>১৫</sup> সহিহ বুখারি : ৬৪৯৪।

<sup>১৬</sup> সহিহ বুখারি : ৬৪৯৫।

রাসুলের মুখে নস্র বাণী শুনে লোকটি স্বাভাবিক হলো। অতঃপর নিজের প্রয়োজনের কথা বললো।

এরপর দাঁড়িয়ে লোকদের উদ্দেশ্যে প্রিয় নবীজি সাল্লাল্লাহু আলাইহি ওয়াসাল্লাম বললেন—‘হে লোকসকল! আমি এ ব্যাপারে আদিষ্ট যে, তোমরা বিনয় প্রকাশ কর। এমনভাবে বিনয় প্রকাশ কর, যাতে একে অপরের উপর গবেষণা করে অহমিকা না দেখায়। তোমরা আল্লাহর বান্দা এবং পরস্পরে ভ্রাতৃত্বের বন্ধনে আবদ্ধ হও।’<sup>১৭</sup>

বাড়ির খাদেম বা চাকরের প্রতি আল্লাহর রাসুল সাল্লাল্লাহু আলাইহি ওয়াসাল্লাম বিনয়ী ও নস্র ছিলেন। হযরত আনাস রাদিয়াল্লাহু আনহু ছিলেন তার অন্যতম খাদেম। আনাস রাদিয়াল্লাহু আনহু বলেন—

‘আমি দশ বছর রাসুলে আকরাম সাল্লাল্লাহু আলাইহি ওয়াসাল্লাম-এর খিদমত করেছি। তিনি কখনও আমার জন্য ‘উহ’ শব্দ বলেননি। কোনো কাজ করে বসলে তিনি একথা বলেননি যে, ‘তুমি এ কাজ কেন করলে?’ এবং কোনো কাজ না করলে তিনি বলেননি যে, ‘তুমি কেন করলে না?’<sup>১৮</sup>

নস্রতা ও বিনয় মানুষের অন্যতম সুকুমার ভূষণ। দুনিয়া ও আখিরাতে মুক্তির মহৌষধ। আল্লাহ তায়ালা আমাদের সকলকে নস্রতা ও বিনয় অর্জন করার তাওফিক প্রদান করুন। আমিন।

<sup>১৭</sup> সহিহ মুসলিম : ৬৪; সুনানু আবি দাউদ : ৪৮৯৫।

<sup>১৮</sup> সহিহ বুখারি : ৬০৩৮; সহিহ মুসলিম : ৬১৫১।

## শুদ্ধ নিয়ত শুদ্ধ ইবাদাত

‘নিয়ত’ অর্থ হলো, ইচ্ছা করা। নিয়ত শুদ্ধ না হলে কোনো আমলই আল্লাহ রাব্বুল আলামিনের কাছে কবুল হবে না। সঠিক নিয়তবিহীন আমলের কোনো মূল্য নেই। এজন্য আমাদের সকল ইবাদত ও আমলে ‘খুলুসিয়ত’ থাকা চাই। ‘খুলুসিয়ত’ অর্থ হলো একনিষ্ঠতা। সকল ইবাদত ও আমল একমাত্র আল্লাহ সুবহানুহু ওয়া তায়ালাস সন্তুষ্টির উদ্দেশ্যে আদায় করা, এটাই হলো নিয়ত ও খুলুসিয়ত-এর মর্মকথা।

এ সম্পর্কে বর্ণিত হয়েছে—

‘নিশ্চয়ই আমার নামাজ, আমার কুরবানি, আমার জীবন, আমার মরণ একমাত্র আল্লাহ সুবহানুহু ওয়া তায়ালাস জন্য। যিনি সমগ্র বিশ্বের প্রতিপালক।’<sup>১৯</sup>

নবিজি সাল্লাল্লাহু আলাইহি ওয়াসাল্লাম বলেছেন—‘সকল আমল নিয়তের উপর নির্ভরশীল। মানুষ তার নিয়ত অনুসারে প্রতিফল পাবে। এজন্য যে দুনিয়া লাভের জন্য বা কোনো নারীকে পাওয়ার জন্য হিজরত করেছে, তবে তার হিজরত হবে সে উদ্দেশ্যেই, যে জন্য সে হিজরত করেছে।’<sup>২০</sup>

নবিজি সাল্লাল্লাহু আলাইহি ওয়াসাল্লাম মক্কা বিজয়ের দিন বলেন—‘এ বিজয়ের পর আমাদের আর কোনো হিজরত নেই। এখন শুধু জিহাদ ও নিয়ত। যখনই তোমাদের বের হওয়ার আহ্বান করা হবে, তোমরা বেরিয়ে পড়বে।’<sup>২১</sup>

‘সওয়াবের আশায় যখন কেউ তার পরিবার ও পরিজনের প্রতি ব্যয় করে, তখন তা সদকাহ হিসেবে গণ্য হয়।’<sup>২২</sup>

‘যে তাহাজ্জুদের সালাত আদায়ের উদ্দেশ্যে বিছানায় আসে, কিন্তু নিদ্রা তার চক্ষুদ্বয়ে প্রবল হওয়ায় ভোর পর্যন্ত ঘুমিয়ে থাকে, তাহলে তাকে তার নিয়ত

<sup>১৯</sup> সূরা আনআম : ১৬২।

<sup>২০</sup> সহিহ বুখারি : ০১; সহিহ মুসলিম : ১৯০৭; আহমদ : ১৬৮।

<sup>২১</sup> সহিহ বুখারি : ২৮২৫।

<sup>২২</sup> সহিহ বুখারি : ৫৩৫১; সহিহ মুসলিম : ১০০২; আহমদ ১৭০৮১।

## উপার্জন হোক হালাল পথে

মহান আল্লাহর পক্ষ থেকে বান্দাকে প্রদান করা অন্যতম নিয়ামত হলো—রিজিক।

রিজিকের মালিক একমাত্র আল্লাহ সুবহানাছ ওয়া তায়ালা। তিনি তার বাধ্য, অবাধ্য সকল বান্দাকেই রিজিক প্রদান করে থাকেন। তাই তিনি উত্তম রিজিকদাতা। তবে অবাধ্যরা পরকালে আল্লাহর অনুগ্রহ থেকে বঞ্চিত হবে। আর বাধ্য মুসলিমরা পরকালেও মহান আল্লাহ সুবহানাছ ওয়া তায়ালায় দয়া ও অনুগ্রহ লাভ করবে।

বান্দাকে একমাত্র আল্লাহই রিজিক দিয়ে থাকেন। তবে বান্দার সেই রিজিক খুঁজে নিতে হয় এবং বৈধ পদ্ধতিতে পবিত্র রিজিক খুঁজে নিতে হয়। অবৈধ পদ্ধতিতে প্রাপ্ত রিজিক এবং অননুমোদিত রিজিক ভক্ষণ ইসলামি শরিয়াহ আইনে নিষিদ্ধ। এর জন্য বিচার দিবসেও কঠিন শাস্তির সম্মুখীন হতে হবে।

এ বিষয়ে আল্লাহ সুবহানাছ ওয়া তায়ালা ইব্রশাদ করেন—

‘আমি তোমাদেরকে যে হালাল রিজিক তোমাদের দিয়েছি, তা থেকে আহর কর।’<sup>২৫</sup>

‘তোমাদের উপার্জিত উত্তম বস্তু হতে ব্যয় কর।’<sup>২৬</sup>

‘পবিত্র বস্তু থেকে আহর কর এবং সৎ কর্মশীল হও। তোমরা যা করছ আমি তা জানি।’<sup>২৭</sup>

‘সুতরাং তোমরা আল্লাহর কাছে রিজিক তালাশ কর, তাঁর ইবাদত কর এবং তাঁর কৃতজ্ঞতা প্রকাশ কর। তাঁরই কাছে তোমাদের ফিরে যেতে হবে।’<sup>২৮</sup>

---

<sup>২৫</sup> সূরা বাকারা : ১৭২।

<sup>২৬</sup> সূরা বাকারা : ২৬৭।

<sup>২৭</sup> সূরা মুমিনুন : ৫১।

<sup>২৮</sup> সূরা আনকাবুত : ১৭।